



In dumenia ai 19 de Setēmbler é gnü sughé la terza partida dl campionat 2010/2011 de 3° categoria por La Val. La partida é gnüda sugada fora de ciasa cuntra le Percha (scuadra che ai á belo abiné te copa provinzia y ulache La Val á davagné 1 a 0 te ciasa)

. La partida è jüda fora 0 a 0. Ala fin dla partida mëssun indô dí che La Val éss mirité da davagné, mo sciöche la situaziun é al mumënt, se stënta i atacanc da La Val da fá goi.

Deplü bunes ocajuns ne é nia gnüdes scfrutades indô, lascian insciö 2 punô zoruch, che éss oghé por la tlassifica. Da mët man la partida è La Val che süga damí co le Percha. Rubatscher Florian röia da sú cuntra le portier, mo ala fin röia le pal sura la traversa fora.

La Val pro tres cun le pal bas da se fá inant, mo al é ri da superé le mür da Percha y ruvé a conclujiuns. Deplü bi crosc de Sottara Werner röia ite a mesa l'area di avversars, mo degügn sogadusc da La Val ne é bugn da spizuré ite le pal te porta. Le Percha é ma bugn da rinvié sö lunc dala divesa. Le prüm tēmp se stlōsc jō sōn le 0 a 0. Tl secundo tēmp é La Val che aumentēia le druch, le Percha se stlūsc ma plü zoruch, defendon insciö le pareggio. A mesa le secundo tēmp davagna le Percha na bela poniziun de pūch fora dl area. La poniziun vēgn trata dēr bun, mo Sani Sandro é bun cun na beliscima parada da devié la pala te angolo. Ala fin dla partida pro ciamó La Val da fa le goal che ti portass la vitoria, mo le pal ne röia nia te porta. Marco Castlunger y Verginer Franzí éss ince ciamó la poscibilité da fa goal, mo i dui tiri é massa debli y insicö á le portier da Percha saurí da paré. La partida se stlūsc jō sōn le 0 a 0. La Val á mustré en bun y bel calcio, mo al mancia madēr ciamó i goi sōn dūtes les beles oportunités che la squadra é buna da crié.

La formaziun titolara dla partida:



In cürt ciamó les sostituziuns dla partida:

al 45° Tolpeit Daniel por Tavella Jordan

al 65° Elzenbaumer Alex por Sottara Freddy

al 70° Verginer Franzi por Frenes Michael

al 80° Castlunger Marco por Rubatscher Florian

Por ciaré ala tlassifica y i resultać dles artres partides clicca. [Resultać y tlassifica](#)

Por ciaré ales foto dla partida y dla festa dedô clicca. [FOTO](#)